

ცივი იარაღის ისტორიის მუზეუმი

პლაკატი საქართველოს სსრ სახალხო მხატვრის დიმიტრი პარისტავისა

გიგზავნით წერილს, მინდა გითხრათ ჩემი სათქმელი, რამეთუ აღარც ბელადი ხართ, არც ხალხთა მამა!.. თქვენ ახლა მხოლოდ ტირანი ხართ, მხოლოდ

ქართველი, და დაბადება თქვენი ლამის შეგვარგონ შხამად! ეჰ, ქართველობა რა სასტიკად გადაგვიხადეთ!.. ბრიყვებს კი სჯერათ და ლაყბობენ ბრიყვის

უფლებით, თითქოს ქართველი სხვა ერებზე მეტად გიყვარდათ, თითქოს წყალობდით საქართველოს განსაკუთრებით!! იმასაც წერენ, რომ ჰიტლერთან ცუდად ომობდით, სხვებს არ უსმენდით, ხოლო თავად ხშირად

ცდებოდით და სახელმწიფოს სათავეში რომ არ გვყოლოდით, წარმოიდგინეთ, თურმე ომსაც გადავრჩებოდით!.. იანიჩრობას რომ შესწირეთ სიცოცხლის დღენი, თქვენი სიმართლის გარდა რომ არ გწამდათ

სიმართლე, —

იმიტომ იყო ტრაგედია ცხოვრება თქვენი და სიკვდილშიაც ტრაგიკულად დაიბინადრეთ!.. თქვენ არ იფიქროთ, რომ თქვენს მერე ჩვენს ქვეყანაში ვართ სუყველანი ბედნიერი და კმაყოფილი!..

თქვენს მერეც ბევრი, ბევრზე ბევრი გადაამლაშეს, ამდენი ერის ერთად მართვა ძნელი ყოფილა!

ეს — თქვენ შექმენით დაძალებით და დამუქრებით შენობა, რასაც მუდამ ახლავს ზიზღი ფარული!..

არ შეიძლება, რომ თვინიერ თავისუფლების ქვეყნად სუფევდეს ნაღდი ძმობა და სიყვარული!

იმ ძალადობის, სისხლით თრობის, სისხლით ღრეობის ხმა ჩახლეჩილი დღესაც გვზარავს და დღესაც ისმის!..

თქვენი ბრალია, ანუ თქვენი მემკვიდრეობის, ცხრა მარტს, ცხრა აპრილს ასე უღვთოდ დაღვრილი

სისხლიც!..

უმწეო ხალხი რუსთაველზე შვლებივით დაკლეს, — ს ტ ა ლ ი ნ ი ს თ ვ ი ს ო! — გაჰკიოდნენ

ლანძღვა-გინებით!..

იმ ჯალათების სისხლი უდულთ ჯალათებს ახლებს, კიდევ არიან ქვეყნად თქვენი გამოზრდილები!

მინას აპრილის წვიმის ნაცვლად ცრემლები აწვიმს!.. კიდევ რამდენ ხანს გაგრძელდება, რამდენი წელი

ეს სპექტაკლები, სიმართლეს რომ გვიკლავენ თვალწინ,

თავისუფლებას რომ გვართმევენ სისხლიან ხელით?! ვამთავრებ უკვე!.. მეტის წერას აღარ ვაპირებ!..

ვერც წარსულს შევცვლი და ვერც აწმყოს შევაფერადებ!..

საიქიოში... ვიცი, მაინც დამაპატიმრებთ და დაკითხვაზე დაწვრილებით გატყვიით ყველაფერს!

ელდარ ჯარჯიშვილი



ნახ. ვ. ლუბოვსკინისა უსრულალი „კოლოდილი“, № 12, 1989 წ.

გემსახურებათ კოოპერატივი „გასწი, მერანო!..“

იუმორისაჲ

შეიქმნა და ამ დღეებში მწყობრში ჩადგა თანამედროვე ტიპის, უახლესი ტექნიკით აღჭურვილი ჯორ-ვირ-ცხენმო მსახურების კოოპერატივი „გასწი, მერანო!..“. იგი მოემსახურება ინდივიდუალურ საკუთრებაში მყოფ საჭაპანო ტრანსპორტს.


კოოპერატივთან ფუნქციონირებს უნაგირების, ლაგმებისა და უზანგების შემკეთებელი საამქროები. აქვეა ნაღების გამპრი-ალეხელი კაბინეტი. მუშაობს აგრეთვე ჯორ-ვირ-ცხენების დასაბანი ავტომატური ხაზი. გახსნილია საპარიკმახერო, სადაც შეგიძლიათ გემოვნების მიხედვით აღნიშნულ ცხოველებს გაუ-კეთოთ მოდური ვარცხნილობა, კერძოდ, ჯორ-ვირ-ცხენს დაუხუჭუჭოთ, დაუკულულოთ ან დაუქორროთ ფაფარი!..

თქვენ მოგემსახურებათ მაღალკვალიფიციური მეჯინიბები, მჭედლები, პარიკმახერები და ელექტროშემდუღებლები!..

კოოპერატივი მდებარეობს ჭიხვიან-ხვიხვიანის ქუჩაზე და შექმნილია გაერთიანება „ყროყინის“ ბაზაზე.

ძვირფასო მეგობრებო! მობრძანდით, ისარგებლეთ ჩვენი მომსახურებით! გვჯერა, რომ კმაყოფილი დარჩებით!

რომან ხვადაგიანი
(ქ. ტყიბული)



პ ა მ ფ ლ ა ტ ი

აპრილი ოცნებებისა და სიხარულის კვირტის გაშლის დროა, მაგრამ წელს მზისკენ ტოტებგანვიღო ჩვენს ეროვნულ ხეს საგაზაფხულო აყვავება არ ეწერა!..

ვერა, ვერ გაიპენტა სანაყოფედ სიხარულის კვირტი!.. არც რამე სენმა, არც ავმა ტაროსმა, არამედ შინაურმა მტერმა თუ მტერ-მოყვარემ მოიღო მასზე მსახვერელი ხელი!..

რომ არავინ ელოდა, მოდგა თბილის ქალაქს ორსახოვანი იანუსი!..

ცხრა აპრილის ნამიანი დილის გათენებას მან დაასწრო!..

შესანიღბავი ხალათი ეცვა იანუსს და თავისი შავბნელი ზრახვების შესანიღბავადაც სასანგრე ბარი ეჭირა ხელში, ხოლო ჯიბეში ედო რაღაცა ამპულა მცირე, პირადი ჯალათური კოსმეტიკისათვის!..

წესრიგის მოყვარული მებაღის პრეტენზიით, ზემოდან ბოძებული ნაკრძალში ნადირობის ლიცენზიით მოდგა ნალკოტ ქალაქს ორსახოვანი იანუსი, კარგად შეფუთული ჟილეტ-ხალათში, რათა უკეთ დაემალა შუბი ხალათში!..

მოდოდა ორივე სახეზე აფარებული გაღიმებული ნიღბით, მსხვილ თავზე ზუჩით, ჩიტაძის ქუჩით ჩამორბოდა კაცი-ჩაქუჩი!..

მერე მარცხნივ მოუხვია, მოდგა იანუსი, გამოიარა მთავრობის სასახლის წინა კიბის ქვედა იარუსი!..

იქნებ გაზონების გაფხვიერებას აპირებდა ორმხრივ ალესილ საველე ბარით, დამნახავებმა არ დაუფერეს, მაგრამ ცრუ მებადემ არ გაიტეხა იხტიბარი!..

დემონსტრანტებს შეხედა, ვითა ექიდნემ, ნახა, რომ მოშიმშილენი იდგნენ და ვერც იდგნენ!..

მძინარე ხალხს სულაც არ შეხედა მუქარით, მხოლოდ სულ ბოლოს დაატრიალა სასანგრე ბარი. ოღონდ არა იმიტომ, რომ ძალა აჩვენა! — როგორ გეკადრებათ!.. მხოლოდ საკუთარი თავის გადასარჩენად!..

და ჰქონდა იანუსს საქმის დაწყებისა და დასრულების ღვთაების პრეტენზია, დემონსტრანტებისაკენ მიქცეული სახე დაწყებას გამოხატავდა, ხოლო მეორე, დასასრულად გამოსაჩინებელი, ჯერ მზად არ ჰქონდა!.. ჰოდა, მიესია დემონსტრანტებს და შეუღრინა, როგორც ანტებს, თქვენ აქ გაზონებს რად ქელავთო, ან მოსულხართ ნეტავ რის სათქმელადო?!

და მოსდგა ჩვენს ეროვნულ ხეს მოუპატიჟებელი გულქვა სტუმარი, მისი რტოების ასახეზად დაატრიალა ალესილი ბარი!..

არა, სრულებითაც არ მოსვლია მეტისმეტი — განა რა მოხდა. თუ ნახევრადმძინარე გოგონებსა და ქალებს დაერია ბარით, რეზინის ხელკეტით?!

რასაც გასამრჯელოდ აძლევდნენ, ამ ფულად კი უნდა დაემტვრია თავზე მათთვის მახრჩობელა აირის ამპულა!..

მერე მოაბრუნა თავის ნარბევისაკენ საქმის დასრულების მაუნყებელი სახე და, გვამებზე აკრიფეთო, ეძახდა თავისნაირ მაიმახებს!..

და ეცვა იანუსს ტყვიავამტარი ჟილეტი, ვითომ დაცვას იქით საჭიროებდა სხვათა გამჟღეტი!..

დააბოტებდა ქვის კიბეების სისხლიანი იარუსით გაღეშებული ორპირი იანუსი, ან სულ სხვა სტატუსით!..

დადიოდა ქუჩებში, დაუძღვოდა ტანკებს, დინჯად აკეთებდა თავის ბინძურ საქმეს!..

მერე გაიხადა იანუსმა შესანიღბავი ხალათი, ვითა ჯალათის სისხლიანი კვართი, და გაქრა ისე, ველარავინ გაიგო მისი მისამართი!..

ხოლო ეკრანზე ვიხილეთ შინაგანი სამსახურის ერთი მაღალი სამხედრო ჩინი უტიფარი აზრებით გატენილი ტვინით. და ბრძანა ჩინმა: „Демонстрация в Грузии отнюдь не была мирной“ და იქვე იგულისხმა: „Свободно можно было орудовать и лопатой и дубинкой“.

და მას შემდეგ, რაც მოირეცხა და ვერც მოირეცხა სისხლით მოსვრილი ქუჩა-კიბის ყველა იარუსი, შორით ნუგეშსა და სამძიმარს გვითვლის იანუსი, თან გვითვლის, ფიქრადაც ნუ გაივლებო, თითქოს ჩემს სიტყვებში ვრიოს ცინიზმით, ეს გახლავთ, არც მეტი და არც ნაკლები წმინდა წყლის ინტერნაციონალიზმით!

კიდევ იმას ამბობს იანუსი და არც ანუხებს ნამუსი, მე კეთილი მქონდა მისიანო, მაგრამ მის აღსრულებაში ხელს მიშლიდა ქართველთა მილიციანო! გარდა ამისა, თავს მესხმოდნენ ქალები და ბავშვებიო, ვაი, რომ მეტი ვერ შევძელი, თორემ ჩემგნით ცოცხალი არცერთი იყო გასაშვებიო! თუ არ გჯერათ, ნახეთ ჩემი „კასკაო“, ერთ-ორ ადგილას თუ არა აქვს აცვენილი „კრასკაო“, ნახეთ ჩემი დამცავი ჟილეტი, ხულიგნებმა როგორ მომისვარეს თავიანთი სისხლითო, კიდევ კარგი, იოლად მოვიგერიე ქიმიური ნისლითო!

P. S.

ეგ არი და — დაგიჯერეთ!

დამპალი ძაფით ასე როდემდის უნდა გვეკრო, იანუსო?!

ყოველთვისო, გვიპასუხებ, რადგან იცი, დროც შენია და ამინდიც, ცილისნამება, სიცრუე ბაჯალლო სიმართლედ გაგიდის.

ჩვენ კი ამას გეტყვი:

აღრე ვაზს გვიჩვენდნენ მამულში შემოჭრილი ურჯულოები, რათა რწმენა წაერთმიათ, ახლა ქართული ჯიშის სადედეებს გვიჩვენენ შინაური გარუნებო! რათა ფიზიკურად მოგვსაბონ!..

აღრე ერთი სახე ჰქონდა მტერს, ახლა ორსახოვანი გამხდარა, პირში გვიცინის, უკან სამარეს გვითხრის!..

პირველი მტერია, მეორე — მტერ-მოყვარე!

პირველს ამოცნობა არც უნდა, მეორის ამოცნობაა საქმე!

და სადღეისოდ სწორედ ეს უნდა გახდეს ჩვენთვის საქმე უპირველესი!

თითზე კბილის დაჭერით ამ გაუსაძლის ტკივილს როგორმე უნდა გავუძლოთ და ვიფიქროთ!

ვიფიქროთ იმაზე, თუ რატომ ხდება ის, რაც ჩვენს გარშემო, ჩვენში ხდება, და გონივრული მოქმედების გეგმა დავსახოთ!



ს. ბ. შუბაშვილისა

უსიტყვოდ

აღსრულებული ლიტერატურა

მანქანების შემოსევა
9 აპრილით მტრებმა ბედუკუ-
ღმართობის ისტორია „გაგვიმ-
დიდრეს“.

განთიადის მოლოდინში
ილეოდა ღამე,
ბედისწერა შავი ისრით
მიითვლიდა წამებს,
კრწანისიდან ჩუმი
კვენა
შემოჰქონდა ნიავს,
მკრთალი შუქი
ზურგს უბობდა
გულწათხრობილ
წყვიდადს!..

დედაქუჩას შემოაწვა
გამეტების სევდა,
მუხლუხოთა
ავი ღრჭენით
დაუარა ელდამი..
მანქანების
მოდგა რემა
ალესილი შხამით,
ივერთ მოდგმას
დაუყენეს
სისხლის თხევის ფამი!..

ქალიშვილებს,
მზეჭაბუკებს, —
ნაშიმშილარ შვილებს
ბარ-ნიჩაბი უნდო კვეთით
თავზე გადუშვილეს!..
რისთვის?
რატომ?
ძმობის ღვედი
რად გვიქციეს ყულფად?
სისხლი,
სისხლი უცოდველთა,
შესრულებებს უფალს!..

... სისხლის რუზე
ქუსლით ასხლტა
გაცრეცილი ღამე,
შეტორტმანდა,
შორს ჩაკვდა
პირდაბრეწილ სრამებს!..
ერთხელ კიდევ
ნათლის სვეტი,
ლეღთ ღუნიას სვეტი,
ერთხელ კიდევ
გაიბზარა
მანქანების კეტი!..



მერა და...
რად ვზღვრით?!

9 აპრილის ღამეს, ორღესული
სასანგრე ბარებითა და შხამე-
ბით ხალხის ხოცვა-ჟლეტისას,
გაისმოდა შეძახილი: „ესეც შენ
სტალინისთვისო!“

„ს ტ ა ლ ი ნ ის თ ვ ის ო?!“
ჰაი, დედასა!
ქალიშვილსა ჩეხს
მანქანითი ხელი!..
სად წვრთნიან ასეთ
უბირ მხედარსა,

უმწიო ბავშვს რომ
გამოჭრას ყელი!..

„ს ტ ა ლ ი ნ ის თ ვ ის ო!“
უმაღურებო,
ჭირისგან გიხსნათ
მისმა გენიამ,
კავიდან კოსმოსს
გნიათ, „ღურებო“,
მსოფლიოს ესმის,
რად არ გრცხვენიათ?

„ს ტ ა ლ ი ნ ის თ ვ ის ო!“
ამ შეძახილით
სიცოცხლეს თმობდნენ
ომში პაპანი!..
მათ სულს აწვალეს
ალბათ სახმილი,
მათს სსოვნას ბილწავს
მიოდგმა მზაკვარი!..

განა ოდესმე
მოლაღატესთან,
გავაიგივეთ
ვლასოვთან ერი?
იმ უშრეტ ძალას
ძმობა გვმატებდა,
ჩვენი საერთო
გვახსოვდა მტერი!

... და რომ თქვენ არა...
და იმპერია...
ვერა მოვწვლი
სივრცის და ტახტის,
არ გასცდებოდა
ორბი დარიალს,
გვეყოლებოდა
„სოსელო“ ნაღდი!

„ს ტ ა ლ ი ნ ის თ ვ ის ო!“
იქნება მართლაც
უმიძმოსია
ცოდვა იმ კაცის,
მერე და...
რად ზღოს
ქართველმა ქალმა
ასე უღვთოდ და
ასე სიმკაცრით?!

მანქანების გადარჩენილი

საქართველოს ტელევიზიის შე-
ნობის წინ, ახალგაზრდობის
რბევისას, ერთმა ჯარისკაცმა
დაყარა ფარი და ხელკეტი, მი-
იბრინა ორ ჩაკეცილ გოგონას-
თან, ნამოაყენა და სამშვიდობოს
გაიყვანა. დაბრუნებულს — „ძა-
ლის შვილოო“ — უყვირეს და
ხელკეტები დაუშინეს „თანამებ-
რძოლებმა“.

დიდხანს უხვიეს
მგლის ტყავში გული,
დიდხანს უბერეს
მაცილის სული!..
გადაავინყეს
ღიმილი დედის,
გამოუტენეს
ყინულით მკერდი!..

დამდგარა წამი,
ცოდვით შეძრული,
ათრთოლებულა
ხალასი გული!..

გადაჰფარვია
სიცოცხლეს ფრთებით,
ურჩხულისაგან
უხსნია ღები!..

კვლავ გათენების
იმედად ღვივის,
როცა გაკრთება
წყვიდადში სხივი!


გლოვის ზარი

შეიშრე სისხლი
უცოდველთა,
წმინდა მიწაო!..
ყაყაროს ფერით
ბინდის ძლევა
უნდა ვინამოთ!

შეიშრე ცრემლი,
ცხარე ცრემლი,
თვალო მკვესავო!..
უფალი გყავდეს
მბრძანებელი,
გულო მკვენსარო!..
გონების ღონე
შვილთა შენთა
მიეც, მამულო,
იქ მიაბარე
სული ზენას,
შვილო დაკულულო!..

რკინის ტაბიკებს
რკინისავე
აქვს აბეური!..
შოშველი ხელით...
სისხლის თხევით...
დაუმსხვრეველი!

მოყვასით ობლებს
ბენვის ხიდზე
ჭკუალა დაგვრჩა, —
განთიადამდე
სხვა გზა,
სხვა ხსნა,
არადა არ ჩანს!..



ალალ იყოს!..

9 აპრილის ღამეს ჩვენმა მი-
ლიციამ ბევრის სიცოცხლე იხ-
სნა.

მილიციავ,
ჩვენი ძმებო,
ბანდას ბევრჯერ
შემბიხართ,
სიკეთე და სამართალი
დაგიცვიათ მკერდითა!..



მაგრამ იმა ველურობის,
იმა სისხლისმსმელობის
ელდამ შეგძრათ...
განწირულებს
რაინდულად შევლოდით!

მოყვასისთვის
თავს წირავდით,
ვერაგობის მგმობელნი.
დაგელოცოთ საქართველო,
მინა, თქვენი მშობელი!

მონწევა აწნდეს სულსა
ცხრა აპრილის თაღისისა!..
ალალ იყოს,
ალალ იყოს
სიყვარული ხალხისა!

ნახ. ბ. ზუბაზვილისა





— რა ვქნა, რა გიყოთ?! წელს კოოპერატივის ფასებში უნდა მოგაქიროთ!..

ყველაფერი კეთდება!

იუმორესკა

ერთი კვირის წინ ზოგიერთებისთვის თავს დამტყდარმა გარდაქმნის უბედურებამ აუნაზღაურებელი ზარალი მიაყენა სოფელ კაუონის მოსახლეობას. გარდაქმნამ გაანადგურა სოფლის სავარგულები, სამეურნეო თუ ინდივიდუალური დანიშნულების ნაგებობანი!.. დაზარალდა დიდი რაოდენობით მსხვილფეხა პირუტყვი, არის ადამიანთა მსხვერპლი.

გარდაქმნის უბედურება დაიწყო ხელფასით ცხოვრებაზე უეცარი გადასვლით, რამაც საშინელება დაატეხა თავს პატიოსან მშრომელ ხალხს — ხელფასი ორი-სამი დღე თუ ეყო მათ!..

გარდაქმნით გამოწვეული უბედურების დღესვე დაზარალებული დასახმარებლად ადგილზე მოვიდნენ რაიონის ხელმძღვანელი მუშაკები. ისინი გაცენენ შექმნილ ვითარებას და დასახეს სასწრაფო ღონისძიებანი.

მეორე დღიდანვე დაიძრა სოფელ კაუონისაკენ მეზობელი სოფლებიდან სამედიცინო მედიკამენტებით, სურსათით, თბილი ტანსაცმლით დატვირთული მანქანები. მთელი ხალხი ფეხზე დადგა უბედურებაში ჩავარდნილთა დასახმარებლად. ყოველდღიურად რედაქციაში მრავალი ბარათი მოდის, რომელთა ავტორები გამოხატავენ თანაგრძნობას და სთავაზობენ დაზარალებულთ სამსახურს.

„თავზარი დამცა ცნობამ სოფელ კაუონაში მომხდარი გარდაქმნით გამოწვეული უბედურების შესახებ. განსაკუთრებით მცირენლოვანთა ბედი მაღელვებს, ხელფასზე დარჩენილმა კაცებმა როგორ უნდა არჩინოს ოჯახი, ბავშვები?! მზად ვარ დაზარალებულთა ოჯახიდან ავიყვანო ერთი ბავშვი და გავზარდო“ — გვწერს კ. გულკეთილიაძე.

„მას შემდეგ, რაც გავიგე სოფელ კაუონაში მომხდარი გარდაქმნის საშინელების შესახებ, გემრიელად ლუკმა არ ჩამსვლია პირში. რას ჭამენ, რას სვამენ, როდემდე აპირებენ ხელფასზე ცხოვრებას გარდაქმნილი ადამიანები? ეს ხომ საშინელებაა! მზად ვარ ფიზიკური შრომით გაჭირვება შევუმსუბუქო უბედურებაში ჩავარდნილთ“ — გვატყობინებს გულთან მიმტანი შვილი.

„ძვირფასო რედაქცია! ამ წერილს გწერთ ადამიანი, რომელმაც ამ ცოტა ხნის წინ საკუთარ თავზე განიცადა გარდაქმნის საშინელება. თუ არა კეთილი ადამიანების დახმარება და თანადგომა, ახლა საიქიოს ვიქნებოდი გასტუმრებული მთელი ოჯახით!.. უსახსრობით სახლი დაგვეწვრა, გავვიპარტახნა ეზო-კარი, დაგვეხოცა საქონელი!.. დღეს კი ცხოვრება ისევ ძველ დინებას დაუბრუნდა, თავს ბედნიერად ვგრძნობთ!.. შემოძლია ქალაქში ორთახიანი ბინა დაუთმო დაზარალებულ ოჯახს“. — გვწერს ფ. სამბინაძე.

დაზარალებულთ თავიანთ სამსახურს სთავაზობენ კეთილი ადამიანები ჩვენი ქვეყნის სხვადასხვა ქალაქიდან — ელექტრომონტორი გ. ბიშჩენკო დონეციდან, კალატოზი მ. პუსეინოვი დერბენდიდან, ხარატი ა. ჩაქუჩიანი სომხეთიდან და მრავალი სხვა.

სახელმწიფო ბანკში გაიხსნა ანგარიში № 173589621 დაზარალებულთა დასახმარებლად, სადაც თითო თვის ხელფასი შეიტანეს ს. ფულავამ, ა. ანტიპოდაძემ, ნ. ნამღლეტიშვილმა, მ. ქრთამაძემ და სხვებმა. ასევე ერთი თვის პენსია შეიტანეს აღნიშნულ ანგარიშზე პენსიონერებმა დ. პასივაძემ და შ. აქტიურმა.

მოდის და მოდის ამანათები დაზარალებულთა მისამართით სხვადასხვა ქალაქებიდან და რაიონებიდან; მათ ადგილზე აღრიცხვა და განაწილება სჭირდება, რასაც ორგანიზებულად ართმევს თავს გარდაქმნის გამო მიყენებული ზარალის სალიკვიდაციოდ შექმნილი რაიონული შტაბი.

„ძაო, ძმითა ხარ ძლიერი!“ — უთქვამს ბრძენ კაცს. მართლაც, ადამიანთა მიერ გამოჩენილმა დიდმა სითბომ და თანაგრძნობამ სიცოცხლე და მხნეობა დაუბრუნა უბედურებაში ჩავარდნილთ.

ყველაფერი კეთდება ზარალის აღმოსაფხვრელად. ავტორის თხოვნით ამ იუმორესკის პონორარს რედაქცია დაზარალებულთა დახმარების ფონდში რიცხავს.



(გაგრძელება. დასაწყისი იხ. მე-11 ნომერში)

ნოა II: ამის პასუხად მე წამოვიყენე ჩვენი პარტიის მიერ შემუშავებული წინადადებების მთელი ბლოკი: ა) ქარხანა მთლიანად დაფინანსებული უნდა იყოს მათი პარტიის მიერ და ყოველ წელს ქარხნის წარმოებაში დაბანდებული სახსრები უნდა გაორმაგებულიყო; ბ) ქარხანაში უნდა ემუშავებინათ პარტიის წევრ მუშებსა და ინჟინრებს და თან მუშას უნდა მიეღო მინიმალურ შრომაში მაქსიმალური ხელფასი, რადგან ჩვენ თავს ვთვლით მთელი მსოფლიოს ხალხების ინტერესების დამცველად, მიუხედავად ადამიანის ეროვნებისა, სარწმუნოებისა და პარტიულობისა; გ) ქარხნის მიერ გამოშვებული მთელი პროდუქცია უკლებლივ და სრულიად უსასყიდლოდ გადმოსცემოდა ჩვენს პარტიას; დ) ნაციონალურ-რევოლუციურ პარტიას უნდა ერთხელ და სამუდამოდ გაეგო, რომ მას არავინ ჰკითხავს, რაში გამოვიყენებთ ჩვენ ამ ყუბარებს — სამშობლოს წინააღმდეგ თუ სამშობლოს სასარგებლოდ; ე) ნაციონალ-რევოლუციონერები მაღლობელი უნდა ყოფილიყვნენ იმი-სა, რომ ჩვენ, ხალხის პარტიაში, საერთოდ ვიკადრეთ ამ წვრილ-ბურჟუაზიული პარტიისათვის თავის გაყვადრება. საკითხის სწორი, ლოგიკური დაყენება? ლოგიკურია! საკითხის სერიოზული დაყენება? სერიოზული! შეესაბამება ორივე მხარის ინტერესებს? შეესაბამება ორივე მხარის ინტერესებს!

ნოა I: მერედა, მათ ხელიდან გაუშვეს კეთილი საქმის ჩადენის ისტორიული შანსი?

ნოა II: და აი, სწორედ აქ დაიწყო სამშობლო პოლიტიკისადმი ორი მიდგომის ნამდვილი შეტაკება, მათ შორის ისეთ საკითხებში, როგორცაა მცირერიცხოვანთა, უბერსაქეტივო ერების ენებზე სწავლების შეწყვეტა და ამ ენების აკრძალვა, როგორც მსოფლიო ხალხების გაერთიანების უმთავრესი ხელის-შემშლელი მიზეზისა!.. მაშ ასე, მე ვიკამბეთ, რაც მოხდა მოლა-პარაკებაზე. ხალხმა სიმართლე უნდა იცოდეს, რათა არ მოხვდეს ჩვენი იდეური მონინალმდეგეების პროპაგანდის გავლენაში!..

ნოა I: მაღლობა არარსებულ ღმერთს, რომ ცოცხალი მაინც დაგვირუნდით!

ნოა II: მაღლობა თქვენ, დიდო ბელადო, რომ თქვენს მიერ შემუშავებულ კონსპირაციის წესებს გამაცანით! საიდუმლო პოლიციის აგენტებს ჯერ იმით აუხუციე თვლი, რომ ძველი დედაქალაქის სადგურზე აუვდი „უცხოეთ-სამშობლოს“ მატარებელში, შემდეგ კი ახალი დედაქალაქის სადგურზე ვისარგებლეთ არეულობით და ერთი უცხოელი ქალბატონის კალთას ამოფარებულმა მოვალნიე აქამდე.

ნოა I: იცით, კაცო, რას გეტყვით, ჩვენ არა?! ჩვენ ჩვენი სიტყვა ვთქვით კონსპირაციის მსოფლიო ისტორიაში და მე მოვიტხოვ ეს ოქმში ჩაინეროს!

ნოა VI: უკვე ჩაწვრთ!

ნოა I: კიდევ ჩაწვრთ! ჩვენი მომგნები, არა?! ჩვენს მეტი არავინ იქნება!..

ამ დროს ერთდროულად შემოინგრევა კარი, ფანჯარა, გაინევა წიგნის კარადა და უნიტაზიდან, კარიდან, ფანჯრიდან შემოცვივდებიან იარაღმომარჯვებული ჯარისკაცები და პოლიციელები. ნოეები ზე წამოიჭრებიან და ხელებს ასწვენენ. პოლიციის ოფიცერი უნიტაზს მიუახლოვდება.

პოლიციის ოფიცერი: ამობრძანდით, თქვენო მაღალკეთილ-შობილებო, ყველანი აქ არიან! უნიტაზიდან ამოძვრება ბრწყინვალე მუნდირში გამოწყობილი გენერალ-გუბერნატორი.

გენერალ-გუბერნატორი: ბატონებო, უნდა მომიტყვიოთ, რომ ასე დაუპატივებლად და დაუკითხავად შემოგვეჭრით, მაგრამ გარემოებამ მაიძულა. ამ დილას მეტროპოლიიდან მივიღე საიდუმლო დეკრეტი: (იღებს მუნდირის შიდა ჯიბიდან და აკანკალებული ხმით კითხულობს): „მთავრობამე გარდაიცვალა“ (თავს აწევს და დარბაზს მოავლებს თვალს. ნოეები დაბნეულად გა-

მოიყურებიან). გილოცავთ, ბატონებო! აღსრულდა თქვენი შრავალნლიანი ბრძოლის მიზანი! მეც მიხარია, რომ უკვე შეძლებულა გავთავისუფლდე ამდენი ხნის მძიმე ჯვრისხვენი, რაც უკვირველეს ყოველისა თქვენი მშვენიერი სამშობლოსათვის, რომლის მიმართაც მე, როგორც პიროვნებას, დიდი სიმათიები მაქვს, საფლავის თრამში გამოიხატებოდა, მოვიხსნა ჩემი უფლებამოსილება, რწმუნებანი და სამშობლოს ბედი თქვენ, მის ყველაზე ღირსეულ შვილებს გადმოგაბაროთ! (გაოცებულია, რომ ნოეები ხმას არ იღებენ). თქვენ ალბათ შერ გამოიგეთ, ბატონებო! დიდი ხნის ფიქრისა და თათბირის შემდეგ ჩვენ გადავწყვიტეთ ანარქიის თავიდან აცილების მიზნით დეკრეტი კი არ გამოგვეცხადებინა მეტროპოლიანი მთავრობის დამხობა, არამედ პირდაპირ თქვენთვის გადმოგვეცა ძალაუფლება! გილოცავთ, ბატონებო! თქვენ დღესვე შეგიძლიათ გამოაცხადოთ სამშობლოს დამოუკიდებლობა!

ნოა I: ეს პროვოკაციაა!
ნოა VI: არა, ბატონებო, ეს დაცინვაა, ჩვენ ამას ასე არ დავტოვებთ!

გენერალ-გუბერნატორი (შეშინებული): როგორ?! თქვენ არ გიხარიათ დამოუკიდებლობა, თავისუფლება?!

ნოა V: ეს თავისუფლება კი არა, მცდელობაა მსოფლიოს ხალხთა ბედისათვის ჩვენი პასუხისმგებლობისაგან განთავისუფლებისა!..

გენერალ-გუბერნატორი: რას ბრძანებთ, ბატონებო, თავისუფლებების მოპოვება ხომ ყველა ერის სანუკვარი ოცნებაა, იდეაფიქსი!

ნოა IV: ჩვენი პარტია არასოდეს ისახავდა მიზნად სამშობლოს თავისუფლებას. ჩვენი პროგრამა დედამისის ხალხების ერთ სახელმწიფოდ გაერთიანებაა და არა მსოფლიოს პოლიტიკური რუკის კიდევ უფრო აჭრელება.

ნოა V (ისტერიკულად): თქვენ გინდათ, რომ ჩვენ ჩვენს ეროვნულ ნაჭუჭში ჩავიკეტოთ (აუვარდება ტირილი), არაფერი გამოვიგოთ! ვერ გვაიძულებთ! უფლება არ გაქვთ!

გენერალ-გუბერნატორი: თქვენ უნდა გამოაცხადოთ დამოუკიდებლობა, ამას ისტორიული აუცილებლობა მოითხოვს!.. როგორ შეიძლება თავისუფლებაზე უარის თქმა?! ბოლოს და ბოლოს მე თქვენ გიბრძანებთ!

ნოა IV (ღივანზე შესტება): ნუ დავენდებთი უხემ ძალას, ჩვენს ზურგს უკან ჩრდილოეთის ორმოცგრადაუსიან ყინვებში და აღმოსავლეთის ორმოცდასუტრადუსიან სიციხეებში გატარებული გადასახლებათა მძიმე წლებია. ვერ შეგვაშინებთ! ვიმდგროთ ჩვენი პარტიული ჰიმნი!..

გენერალ-გუბერნატორი: ბატონებო, თავისუფლება საჭიროა, თავისუფლება აუცილებელია, თავისუფლება გარდაუვალია! (ტირის მუხლებზე დამდგარი).

პოლიციის ოფიცერი (ყვირის): მაშ, არ აცხადებთ დამოუკიდებლობას?! კედელთან! ყველანი კედელთან! დახვრიტეთ! მე ამათი!..

ჯარისკაცები ნოეებს წიგნის კარადასთან დააყენებენ სახით მაყურებლისაკენ.

პოლიციის ოფიცერი: სამამდე ვითვლი — აცხადებთ თუ არა დამოუკიდებლობას?! ერთი!.. აცხადებთ თუ არა დამოუკიდებლობას?! ორი!.. აცხადებთ თუ არა დამოუკიდებლობას?! სამი!

ნოა I: ვაცხადებთ!
პოლიციის ოფიცერი: ძალიანაც კარგი, ბატონო გენერალ-გუბერნატორო, აცხადებე!

გენერალ-გუბერნატორი (ადგება, ცრემლებს ინმენდს): რას აცხადებთ?

ნოა I: ვაცხადებთ პროტესტს!
პოლიციის ოფიცერი: მაშ პროტესტს, არა? (ჯარისკაცებს) მოემზადეთ! (ჯარისკაცები წიგნის თაროებთან მდგარ ნოეებს თოფებს დაუმიზნებენ).


ნოა I: ჩვენ ვაცხადებთ დამოუკიდებლობას!
ნოა V: ბატონებო, რას სჩადიხართ?! ჩვენ ვლუპავთ მთელი მსოფლიოს ხალხების საქმეს, ეს ლალტია! (ნოე II პირზე ააფარებს ხელს).

ნოა I: და ამავე დროს ჩვენ ვაცხადებთ პროტესტს, რადგან გვაიძულებენ დამოუკიდებლობის გამოცხადებას! მე მოვიტხოვ, პროტესტი ოქმში შევიტანოთ!

გენერალ-გუბერნატორი: ბატონებო, მე ვალდეული ვარ, ამის შესახებ ვაცნობო ვეროპის საზოგადოებას!

ნოა V: ვიი სირცხვილო და თავის მოჭრავ! (პირზე ისევ ხელს აფარებენ).

გენერალ-გუბერნატორი: ისეთი ძველი ცვილიზაციის ქვეყნისადმი, როგორც სამშობლოა, ვეროპისი არასოდეს შენელებულა ინტერესი. დარწმუნებული ვარ, თქვენს დამოუკიდებლობას ისინი დიდი სიხარულით შეხვდებიან. მე მოვალე ვარ ვაცნობო მათ თქვენი სამშობლოს დამოუკიდებლობის დღე — ალბათ უცხოელი დიპლომატები და სახელმწიფო მოღვაწეები მორიდომებენ ამ დღესასწაულზე ჩამოსვლას. მაშ, როდეს ფიქრობთ დამოუკიდებლობის გამოცხადებას?



ნო I: ამის მომზადებას გარკვეული დრო სჭირდება!..
 პოლიციის ოფიცარი: თავიდან დაიწყეთ? იცოდეთ, ამ თქვენი ბელადის ტომებზე მიგახსენებთ ყველას და მერე ნახავთ!..
 განერალ-გუბერნატორი: სამშობლოს თავისუფლება უკვე ფაქტია, ამას არაფერი ეშველება. თუ თქვენ წინააღმდეგი ხართ მისი დამოუკიდებლობის გამოცხადებისა, ამას სიამოვნებით გააკეთებს ნაციონალ-რევოლუციონერთა პარტია. მართალია, თქვენი და მათი ავტორიტეტი და გავლენა საზოგადოებაზე ერთნაირი არ არის, მაგრამ მათი ავტორიტეტი ავტორიტეტურად გაიზრდება ამ პატრიოტული აქციის შედეგად.

ნო II: ჩვენ ერთ თვეს ვთხოვლობთ!..
 პოლიციის ოფიცარი: ერთი კვირა მაქსიმუმია!
 განერალ-გუბერნატორი: იყოს ერთი თვე!
 ნო I: დღეს რა რიცხვია?
 ნო IV: 30 იანვარი.

ნო I: ერთი თვის შემდეგ 30 თებერვალია. აი ჩვენი დამოუკიდებლობის დღეც — შეიტანეთ ოქმში!

ნო III: დღევანდელ ცნობებს ადგილობრივ და ევროპულ პრესას: 30 თებერვალი ცხადდება სამშობლოს დამოუკიდებლობის დღედ!

პოლიციის ოფიცარი: ასე არ ჯობია, ბატონებო? ტყუილად რატომ მახოცვინებდით თავს... (ისმის სკამის ნაქცევის ხმა. ყველა ფანჯრისკენ მიიხედავს, ნოე V-ის ამასობაში ყულფში გაუყვრია თავი და ფარდის მაგივრად ქანაობს ფანჯარაზე. ოფიცერი ნაგანის ტყვიით განწყვეტს თოქს. ნოეს ყულფს გადაადრობენ და დივანზე წამოაწვენენ). არა, ეს ხალხი სამშობლოს ვერ უპატრონებს!..

ხმაურზე შემოვარდება თეთრწინსაფარიანი ახალგაზრდა, მოახლე გოგო.

მოახლე გოგო (დაბნეული ამდენი ხალხის დანახვით): რა ხდება?

ნო V (სასწრაფო კეთილი ხმით): ჩვენთან თავისუფლება მოდის!

მოახლე გოგო (ვერ გაიგო, ვინ მოდის): მომიკვდეს თავი!.. მერე ჩვენ რომ მზად არა ვართ? (უხერხულობისგან წინსაფარზე ჩამოისვამს ხელს. შუქი ქრება).

პირველი მოქმედების აქტი

სცენა წარმოადგენს ქალაქის ცენტრალურ მოედანს, რომლის თავზეც კიდია დიდი საპაერო ბურთი კალათით, კალათზე მიკროფონებია დამაგრებული და ტრიბუნას ჰგავს. ტრიბუნაზე კალათში, დგას ნოე პირველი. ქვემოთ ხალხია, რომელიც ყვირის პროტესტის ნიშნად, ისინი ხელჯობებსა და ქოლგებს უღერებენ ნოე პირველს, ესერიან ქუდებს, ფეხსაცმელებს და ა. შ. ნოე პირველი, რომელსაც სიტყვის თქმას არ აცლიან, ხელით ახიშვებს კულისებისკენ, შემოიტანეთო. ჯარისკაცები შემოაგორებენ ბორბლებიან პლატფორმას, რომელზეც დგას უზარმაზარი ქვაბი და მზარეული დიდი კოვზით. მზარეული საჭმლით ავსებს ჯაჭმებს და ჯარისკაცები ხალხს ურიგებენ. ვინც კი იღებს ჯაჭმს, მაშინვე ჩუმდება და იწყებს ჭამას. ასე ნელ-ნელა აკლდებათ მოყვირლებს ხალხი. ბოლოს რჩება ერთი კაცი, რომელიც ყვირის, ქუდს და ფეხსაცმელს ესერის ნოეს, ხელჯობსა თუ ქოლგას უქნევს. თან ცალი თვალით ქვაბისკენ იყურება, მაგრამ მას საჭმელს აღარ აძლევენ და აპატიმრებენ. ხალხი ამას ან ვერ ამჩნევს, რადგან ყველა თავის ჯაჭმში იყურება, ან ხმას ვერ იღებს, რადგან პირი ლუკმით აქვს სავსე. ნოე პირველი საპაერო ბურთის კალათიდან ისერის გასაბერ ბუმბუტზე დაკიდებულ ლოზუნგებს: „თუკი ვჭამ პურს, მუნჯი ვარ და ყრუ“, „ჭამის დროს ლაპარაკი უზრდელობა“, „ვინც არ დუმს, ის არ ჭამს“.

მეორე მოქმედება

სცენა წარმოადგენს კაბინეტს. შემოდის გიორგი, მას ეგებება ნოე II.

ნოე II: ბატონი გიორგი ბრძანდებით? გამარჯობათ. მე ნოე მეორე ვარ, შინაგან საქმეთა მინისტრი.

გიორგი: უკაცრავად, რატომ ნოე მეორე?

ნოე II: იმიტომ რომ არსებობს ნოე პირველი, ნოე მესამე, ნოე მეოთხე, ნოე მეხუთე, ნოე მეექვსე, ნოე მეშვიდე!

გიორგი: კი მაგრამ, თუ საიდუმლო არ არის, რატომ ხართ სამეფო დინასტიასავით დანაშაულები, ეს მონარქიზმი?

ნოე II: პირიქით, ეს თანასწორობის უმაღლესი ფორმაა, როდესაც ერთი კაცის დემოკრატიულ იდეას, ჩვენ, მთავრობის წევრები უსიტყვოდ და უკლებლივ ვიზიარებთ, წარმოიშობა ერთი აზრი, ერთი მრწამსი და ამიტომაც ყველანი ნოეები ვართ, მხოლოდ რიცხვითი სხვალები ვვაქვს სხვადასხვა.

გიორგი: მერე ეს ვინმეს სჭირდება?

ნოე II: სამშობლოსა და ხალხს!

გიორგი: არა ჯობია, ზოგი — შოთა, ზოგი — საბა, დავითი, ილია, ვაჟა, ნიკოლოზი იყოთ?!

ნოე II: არა, ბატონო, ხალხი დაიბნევა, რწმენა წაუხდება ჩვენს ხელისუფლებას; იფიქრებენ, სხვადასხვა სახელებს განსხვავებული აზროვნება და იდეა ექნებათ!

გიორგი: კი მაგრამ, თქვენი იდეა რაშია?

ნოე II: ჩვენი იდეა იდეურობაშია!

გიორგი: იდეურობასაც აქვს იდეა?

ნოე II: დიახ, თუ ვინმე სხვა იდეებს იზიარებს, ჩვენ ვერბძვი, როგორც უიდეოს.

გიორგი: ???

ნოე II: გეტყობათ, ჩვენს იდეას იზიარებთ!

გიორგი: რომელ იდეას?

ნოე II: როგორ? აქამდე ვერ მიხვდით?

გიორგი: მე სამშობლოს სიყვარულმა ჩამომიყვანა აქ.

ნოე II: ეგ გასაგებია, მომავალში რას აპირებთ?

გიორგი: ვემსახურო გათავისუფლებულ სამშობლოს!

ნოე II: რა შეგიძლიათ?

გიორგი: მე ვარ ფილოსოფიისა და მედიცინის დოქტორი, სახედრო ხელოვნებისა და ნატიფ ხელოვნებათა მაგისტრი, დამთავრებული მაქვს იურიდიული და ეკონომიკური ფაკულტეტები... ვფლობ 50-მდე ენას...

ნოე II: თქვენი კომპლექსური განათლების შემონახვა ძალზე იოლია!

გიორგი: როგორ?

ნოე II: მე წაგიყვანთ ერთ გაჭიანურებულ პროცესზე, სადაც ამ წუთიდან ინიშნებით ნოე V-ს ადვოკატად! შეგიძლიათ შეითავსოთ ბარაბა ედგვერაძის ადვოკატობაც.

სურათი მეთხუე

სასამართლო პროცესი, მოსამართლე და პროკურორი — თვითონ ნოე V. დარბაზი სავსეა ხალხით. საბრალდებო სკამზე სხედან: წარწერა „ნოე V“ და ბარაბა ედგვერაძე. სასამართლოს თავმჯდომარეობს ნოე V.

ნოე V: ქალბატონებო და ბატონებო! მეგობრებო, დღეს უკვე მესამედ ვიკრიბებით გადადებული სასამართლო პროცესის გასაგრძელებლად. იგი თავისი რიგით საიუბილეოა, მაგრამ რადგანაც ამ საიუბილეო თარიღს იდეურობისათვის არავითარი სარგებელი არ მოუტანია, თარიღი სადღესასწაულოდ წარჩითვება, საიუბილეო კომიტეტის მიერ შემოტანილი წინადადება ბათილდება! გადავიდეთ საქმეზე, ვინც თუ სასამართლოს... (ანახუნად იხსნება კარი, პროცესზე შემოდის ნოე II და გიორგი).

ნოე II: უკაცრავად, ერთი წუთით, შეჩერდით!

ბარაბა უძმპარაძე (სიმღერით): ნოეები მოვიდნენ, ატყდა დავიდარაბა, რომელ პარტიას ეკუთვნი ედგვერაძე ბარაბა?!

ნოე II: საზოგადოების თავმჯდომარის ადგილზე ამ სიმღერის შესრულება ერთხელ უკვე აგვირძალებს! თუ ასე გაგრძელდა, მოგცემთ საშუალებას და ცალკე, მარტოდმარტომ რამდენიც გინდათ, იმღერეთ... საკანში!..

ბარაბა: მე ჩემთვის ვმღერი... თუ არ მოგწონთ, ნუ მომიხმენთ!

ნოე II: ბატონებო, არის აზრი, რომ სასამართლო პროცესის ადვოკატად დაინიშნოს ბატონი გიორგი.

პროკურორი (იგივე ნოე V): რომლის ადვოკატად?

ნოე II: ბატონ ნოე მეხუთის და შეთავსებით ბარაბა ედგვერაძისა.

პროკურორი (იგივე ნოე V): ასეთი რამ იურისპრუდენციას არ ახსოვს, თამამი ექსპერიმენტი.

ნოე II: დემოკრატიული პრინციპია, ყველასთვის ერთნაირად უნდა ვიზრუნოთ!

პროკურორი (იგივე ნოე V): ბატონო ბარაბა, უკვე მესამედ გეკითხებით, ეს ბავშვი (ხელში აიყვანს ატირებულ ბავშვს) თქვენია?

ბარაბა: არა!

პროკურორი: (რეივე ნოე V): რით დასაბუთებთ?

ბარაბა: ამისი დედა... (ბავშვს ხელში აიყვანს) ალუ! ისე კი ჩემს ბავშვებს ძალიან ჰგავს, თუმცა უმეტესობა ბავშვებისა ერთმანეთს საერთოდ ჰგავს!

პროკურორი (იგივე ნოე V): თქვენ პასუხი არ დაგისრულეებით!

ბარაბა: სად გაჩერდით?

პროკურორი (იგივე ნოე V): დედასთან!

ბარაბა: მე ამ ბავშვის დედასთან დიდხანს არ გაჩერებულვარ. ეს ბავშვი რომ ჩემი არ არის, დასტურდება იქიდან, რომ ამ ბავშვის დედა ჩემი ცოლი არ არის, იგი მეუღლეა ნოე V-სი.

ეს ბავშვი ნოე მეხუთეს ეკუთვნის!

ნოე V (მოსამართლის სკამიდან ადგება, მოიხდის პარიკს, მივა ბრალდებულის სკამთან): ეს სინამდვილეს არ შეეფერება. მე ამ ქალბატონს დიდი ხანია გავეყარე იდეური შეუთანხმებლობის გამო.

ძალი: გამეყარე დოკუმენტებით. მაგრამ სარეცეს ჩემსას იყოფდი! (სასამართლო დარბაზიდან შეძახილები: „ბავშვი ნოე V-ს ჰგავს!“, „არა ჰგავს!“).

ძალი: ბავშვი ნოე მეხუთისგან მეყოლა!

ნოე V: სიერუა! მე ალბი მაქვს, მოწმეები მყავს, რომ მე ბავშვის შექმნის პერიოდში, აქედან შორს მეტროპოლისის მიხისტრი ვიყავი (თავის თავს, როგორც პროკურორს წარუდგენს ცნობას).

(გაგრძელდება იხ. შემდეგ ნომერში)

სატირულ ზეონიურ ჯიშორიას



ფულიანები და უფულოები

ბლანდები მეფობს კანონის წიგნში,
დამარხულია სიმართლე წმინდა,
უფულოები მიდიან ფიქრში,
ფულიანები — საითაც გინდა!

რალაც უმსგავსო მარად ხარობდა,
მთავარი არის სწორად გამიგო:
ფულით ღარიბი? — მე რა მოხდა?!
ჭკუით ღარიბი არ უნდა იყო!

სამარადისო, წმინდა სულისთვის
სამშობლოს გრძნობა მუდამ დიდია,
მაგრამ ზოგ-ზოგნი ფულის გულისთვის
თვით სამშობლოსაც გაგვიყიდიაან!..

ბლანდები მეფობს კანონის წიგნში,
დამარხულია სიმართლე წმინდა,
უფულოები მიდიან ფიქრში,
ფულიანები — საითაც გინდა!

ნისლინებური ფიქრი დამივილის,
რაც თაყი მახსოვს, ასეა მუდამ:
აქ, რუსთაველზე ვინც კი გაივილის,
ყველას თბილისში ცხოვრება უნდა!..

ყველას უნდა ვეკვეთო,
მზეს ვინც ჭვარტლი შეჰყარა!..
მე მეგონა დღემდე, რომ
სუფთა იყო ქვეყანა!

კოდალას

ხეებს თავი გაანებე,
ნულარ ანაგვიანებე,
თორემ რჩება სიბინძურე
(ბევრს რომ კარგი ჰგონია)
და თავიდან, ჩვენი თხოვნით,
ასეთ ადამიანებს
გამოუღე ის აზრები,
რაც კი არასწორია!

ტრაბახას ქაქანიდან

ძველებური ენაზე ქილა
წარწერების მკრთალი პწკარით,
კუტუბიძე რომ ყოფილა
კუტუნიოს წინაპარი.

დაქსაქსული, როგორც წყარო,
მათი გვარიც გაყოფილა
და თუ იცით, ჩელენტანო
ჩელებაძე რომ ყოფილა?

ფურცლები სულ დაფლეთილან,
წარწერებზე არ იდარდოთ!
ბარდაველიძე ყოფილა
ის ცნობილი ბრიჯიტ-ბარდო.

დაიხსომოს, ვინც ქართველთა
ჯიშის, გვარის მძებნულია:
ისლანდია, ზელანდია
აბაშელი მეგრულია!

ნახ. მ. აბაშიძისა



— გვიკადრეთ ხომ, ბატონო?! ჩამობრძანდით ხომ თქვენს მშობლიურ სოფელში დასასვენებლად?!
— აბა, მე რისი პატრიოტი ვარ!..



სსსრ-ის ლექსების
№ 375
30.VI 1989

პოეტი-იუმორისტი

(იოსებ გრიშაშვილის დაბადების 80-100 წლისთავის გამო)

საქართველოს სახალხო პოეტი იოსებ გრიშაშვილი ჩინებული იუმორისტიც განლდათ. ხუმრობისადმი მისი მიდრეკილება განსაკუთრებით ახალგაზრდობის ხანაში — ჩვენი საუკუნის ათიან წლებში ვლინდებოდა. ამას თვალნათლივ ცხადყოფს 1907—1908 წლებში ცნობილი მსახიობისა და საზოგადო მოღვაწის ვალერიან გუნიას რედაქტორობით გამოშვებული ჟურნალი „ნიშაღური“. მის ფურცლებზე არცთუ იშვიათად შეხვდებით გასართობ მინიატიურულ სტრიქონებს, რომელთაც ხელს აწერს გრი-გრი. ეს ფსევდონიმი სოსო გრიშაშვილისაა.

მთავარობთ რამდენიმე მათგანს

— მე მივივრს, თუ რად დაიარებით ვერერ-ბალებში, როდესაც ცეკვა არ იცით?!
— მართალია, ცეკვა არ ვიცი, მაგრამ სამაგიეროდ ჭამა ვიცი!

— ბატონო ექიმო, მე ვგრძნობ, რომ რაღაც მაქვს თავში...
— მე თქვენ გარწმუნებთ, რომ სრულებით არაფერი არა გაქვთ რა თავში!

— მგონი, თქვენი „არშინი“ მოკლეა!
— მართალია, მაგრამ სამაგიეროდ განიერია!

— ლიზა, რამდენი წლისა ხარ?
— ოცისა.
— თქვენი უმცროსი და თამრო?
— ოცდასამისა!..

— ღმერთმა კაცს რისთვის მისცა ყურები?
— იმისთვის, რომ ქუდი თვალებზე არ ჩამოეფხატოს!

— პეპანჯან, რადა ხარ მაგრე დაღვრემილი და სახეც მარცხნივ გაღურჯებული გაქვს?
— ცოლმა სიყვარულისაგან მიმზილა, რომ სხვას არ მოვეწონო!..

— ქალბატონო, ინებეთ ჩემი ხელი!
— გმადლობთ, მე თვითონ ორი მაქვს!

— ბატონო კბილის ექიმო, რატომ თქვენს კაბინეტში სკამები არ მოიპოვება?
— ჩემს ავადმყოფებს ჯდომა არ უყვართ, სულ გაცხარებული დარბიან და კრუსუნებენ!..

— კარაპეტჯან, სად ხარ — აღარ ჩანხარ?..
— სახლში ვარ, მინასჯან... — ვზივარ ჩემს თაქუსთან. გარეთ არ გამოვიდვიარ...
— ახარ, რათა? რა მიზეზია, რომ ჩაკეტილხარ?
— მოტაცებოხა მეშინია!
— ფიე! რომელი მზეთუნახავი შენა ხარ, რომ მოგიტაცონ?!
— ეი, ტუტუც, ყსაბი დარჩუა, მზეთუნახავი იყო, რომ მოიტაცეს?!

მეეზოვეს უჭირავს ქურდი და უყვირის:
— დადექ, შე ავაზაკო, შენა! მე შენ გასწავლი, თუ როგორ უნდა იქურდო, შე... შე!..
— თუ ძმა ხარ, მასწავლე, თორემ მოსვენება არა მაქვს. ეს ოხრები ძალიან ჩქარ-ჩქარა მიჭყერენ!

— თავს უშველე, ალაჯან, სახლს ცეცხლი ეკიდება!..
— არა უშავს რა, სახლი „სტრახში“ მაქვს შეტანილი!
— თქვენს თავს მაინც უშველეთ, თორემ ცეცხლი გაძლიერდება და თქვენც არ დაინვათ!..
— ნურც მაგის ფიქრი გაქვს: ჩემი თავიც „სტრახშია“ შეტანილი!

— რისთვის დააპატიმრეს შენი ქმარი?
— სრულიად უმიზეზოდ. ვექსილზე სხვისი გვარი და სახელი მოაწერა!..

— არ ვიცი, ღმერთმანი, რა გუნამლორ ჩემს თავს!
— ვმუშაობ, როგორც ხარი, მადა მაქვს და ვჭამ, როგორც მგელი, ვსაქმიანობ და დავძრნი, როგორც ძალი და ძილი კი თვალს არ ეკარება!..
— მე ვერაფერს გიშველით!.. უკეთესი იქნება პირუტყვების ექიმს, ჭეითაღს მიმართოთ! ხარ, მგლებსა და ძაღლებს ისინი არჩენენ!..

ნახვებით წერილიდან „ნახული და გაგონილი“

...ქართული ჟურნალ-გაზეთების ბაზარი დღითიდღე ივსება და ინაგვება, უკაცრაული სიტყვაა, იუმორისტული გამოცემებით. ზოგი ჭკეპთხელი გამომცემელი, კონკურენციის ვირზე შემჯდარი, ნისიად არიგებს თავის გამოცემას და, რადგან ვერც ამ საშუალებამ გაჭრა, ახლა გადაწყვეტილია მუქთად აძლიონ მკითხველთ თავიანთი ნაჯღაბნი, ნაცონნი. მაგრამ საეჭვოა, რომ ამ ოინბაზობამაც გაჭრას, რადგან ახლანდელი მკითხველი ადვილად არჩევს ყვავს ბულბულისაგან და ნაგავს, დიახაც, პირს აარიდებს!

პუბლიკაცია დავით გუჯაშვილისა

სატირიკო და იუმორის ჟურნალი „ნიანბი“ № 12 (1790) ივნისი. გამოდის 1923 წლის ივნისიდან.

მთავარი რედაქტორი
ზაურ გოლგვაძე

სარედაქციო კოლეგია:

ავთანდილ ადღიშვრლი (პასუხისმგებელი მდივანი), ჭაბუა ამირეჯიბი, ნომადი ბართაია, ბორის გურგულია, რევაზ თვარაძე, ჭემალ ლოლუა (მხატვარ-რედაქტორი). ნოდარ მაღალაშონია, ალექსანდრე სამსონია, ბეჟან ხიხარულიძე (მთავარი რედაქტორის მოადგილე), ჭანსუღ ჩარკვიანი, თამაზ წიფვიფაძე, ნაფი ჭუსოთი.

ტექნიკური რედაქტორი
ირაკლი ღუნდუა

გადამცემი ასაწყობად 24.05.89 წ. ხელმოწერილია დასაბეჭდად 20.06.89 წ. ქაღალდის ზომა 60x90¹/₈, ფიზიკური ნაბეჭდი ფურცელი 1,5. სააღრიცხვო-საგამომცემლო თაბახი 1,9. საქართველოს ტექნიკური გამომცემლობა, ლენინის 14. შეკვ. № 1217 შე 04681. ტირაჟი 130000. ჟურნალი გამოდის თვეში ორჯერ. რედაქციაში შემოსული მასალები ავტორებს არ უბრუნდებათ.


ჩვენი მისამართი: 380008. თბილისი-8, რუსთაველის პროსპექტი № 42.

ტელეფონები: მთავარი რედაქტორის — 99-55-54, მთ. რედ. მონაღვილის — 93-19-42, პ/მგ მღვიმის — 93-10-78, მხატვარ-რედაქტორის — 99-02-38, განყოფილებათა გაზეთების — 93-49-32, რედაქტორ-ლიტმუშაკების — 99-02-38, მდივან-მემანქანის — 99-76-69.

სატირიკო — юмористический журнал «НИАН-ГИ» (на грузинском языке). Тбилиси, пр. Руставели № 42. Издательство ЦК КП Грузии, орден Трудового Красного Знамени типография издательства ЦК КП Грузии, Тбилиси, улица Ленина № 14.



საბ. შ. აბაშვილი



უნივერსალი

საქართველოს
საგარეო ურთიერთობების
სამსახური